



Udruženje za dječiju i adolescentnu psihijatriju u Bosni i Hercegovini (UDAPBiH) i

Klinika za psihijatriju Univerzitetskog kliničkog centra Tuzla (UKC)

Organizuju u saradnji sa Udruženjem psihijatara u Bosni i Hercegovini (UPUBiH)

ko-sponzoriran od strane Ljekarske komore Tuzlanskog kantona (LJKTK) i

World Vision International (WVI)

**PRVI SIMPOZIJ ZA DJEČIJU I ADOLESCENTNU
PSIHIJATRIJU U BOSNI I HERCEGOVINI
sa međunarodnim učešćem**

**“Zanemarivanje i drugi problemi djece i omladine u
savremenom društvu: psihičke posljedice”**



TUZLA, 06. - 07. juli/srpanj 2018.

DRUGA OBAVIJEST

RIJEČ DOBRODOŠLICE

Poštovane kolegice i kolege,

Sa velikim zadovoljstvom vas pozivamo na **Prvi simpozij dječije i adolescentne psihijatrije u Bosni i Hercegovini sa međunarodnim učešćem**, koji će biti održan u Tuzli u periodu **06. -07. juli/srpanj 2018. godine**.

Ovo će biti dobra prilika da dječiji i adoloscentni ali i psihijatri ostalih grana, kao i drugi stručnjaci koji se bave zaštitom psihičkog zdravlja djece i omladine iz Bosne i Hercegovine, regiona, kao i iz ostalih dijelova Evrope, razmijene iskustva i aktuelne informacije iz ove u praksi nedovoljno afirmisane medicinske oblasti. Nadamo se da će nam tema Simpozija **“Zanemarivanje i drugi problemi djece i omladine u savremenom društvu: psihičke posljedice”** dati mogućnosti da diskutujemo o mnogim temama vezanim za stručne i znanstvene dileme, mjestu i ulozi dječije i adolescentne psihijatrije kako u medicini tako i u društvu uopće, te humanističkom i individualiziranom pristupu osobama dječijeg i adolescentnog uzrasta sa psihičkim problemima u svjetlu savremenih saznanja o psihičkim i poremećajima ponašanja. Cilj Simpozija je i da se napravi prezentacija odabranih tema o najnovijim spoznajama iz problematike rizika savremenog življenja koji nerijetko nosi sa sobom zanemarivanje djece i omladine, uz ostale probleme savremenog društva koji mogu da stvaraju brojne psihičke posljedice kod ove vulnerabilne populacije, kao i da se otvore novi putevi za integraciju različitih pristupa i terapijskih procedura. Tako bi Simpozij mogao biti podsticaj za nova pregnuća i postignuća u našem svakodnevnom radu za dobrobit djece, omladine i društvene zajednice u cjelini.

Tuzla je središte Tuzlanskog kantona, grad soli, kulturni, univerzitetski i ekonomski centar, prepoznatljiv po multinacionalnoj i multikulturalnoj toleranciji, tradicionalno dobar i pažljiv domaćin.

Radujemo se vašem dolasku i ugodnom druženju u Tuzli i iskreno želimo da sa ovog skupa ponesete lijepe uspomene i nova iskustva.

Dobro došli!

Prof. dr. Izet Pajević

Predsjednik Udruženja za dječiju i adolescentnu psihijatriju u Bosni i Hercegovini



Organizatori:**Udruženje za dječiju i adolescentnu psihijatriju u Bosni i Hercegovini****Klinika za psihijatriju, Univerzitetski klinički centar Tuzla****u saradnji sa Udruženjem psihijatara u Bosni i Hercegovini****ko-sponzoriran od strane Ljekarske komore Tuzlanskog kantona (LJKTK) i World Vision International****ORGANIZACIONI ODBOR**

Izet Pajević (predsjednik), Munevera Bećarević, Nešad Hotić, Nermina Kravić, Klaus Schmeck, Susanne Schlüter Müller, Fahrija Skokić, Zumreta Kušljugić, Mevludin Hasanović, Marija Burgić-Radmanović, Mira Spremo, Vesna Horvat, Martina Krešić Ćorić, Goran Račetović

NAUČNI ODBOR

Izet Pajević, Vera Daneš-Brozek, Klaus Schmeck, Osman Sinanović, Susanne Schlüter Müller, Marija Burgić-Radmanović, Alija Sutović, Esmina Avdibegović, Mevludin Hasanović, Zihnet Selimbašić, Mira Spremo, Nermina Kravić

LOKALNI ORGANIZACIONI ODBOR

Mevludin Hasanović (predsjednik), Izet Pajević, Nermina Kravić, Esmina Avdibegović, Elvir Bećirović, Zihnet Selimbašić, Nerminka Aljukić, Nera Hodžić, Maja Brkić, Dženita Hrvic, Emina Hujdur, Hajrudin Halilović, Mirza Jahić, Nihad Mešanović, Ersija Aščerić, Eldar Šehić.

POZVANI PREDAVAČI I TEME SIMPOZIJA

1. Prof.dr.sc. Izet Pajević, Klinika za psihijatriju UKC Tuzla: „Psihički poremećaji u dječijoj i adolescentnoj dobi – nove klasifikacije”
2. Prof.dr.sc. Klaus Schmeck, Univerzitetska psihijatrijska klinika, Basel, Švicarska: „Dugoročne posljedice ranog zanemarivanja i zlostavljanja djece”
3. Dr. Susanne Schlüter Müller, Klinika za dječiju i adolescentnu psihijatriju, Basel, Švicarska: „Djeca duševno bolesnih roditelja – visoko rizična populacija”
4. Prof.dr.sc. Vera Daneš, Sarajevo: “Dječija i adolescentna psihijatrija u Bosni i Hercegovini”
5. Prof.dr.sc. Marija Burgić Radmanović, UKC Banjaluka, Medicinski fakultet Univerziteta u Banjaluci: „Psihički poremećaji kod seksualno zlostavljane djece“
6. Prof.dr.sc. Osman Sinanović, Medicinski fakultet, Univerzitet u Tuzli: “Zbrinjavanje dječije ratne psihotraume – lekcije iz Bosne”
7. Prof.dr.sc. Esmina Avdibegović, Klinika za psihijatriju UKC Tuzla: „Zanemarivanje u razvojnou dobu – uzroci i posljedice“
8. Prof.dr.sc. Alija Sutović, Klinika za psihijatriju UKC Tuzla: „Zanemarivanje djece i omladine i poremećaji uzimanja hrane“
9. Prof.dr.sc. Mevludin Hasanović, Klinika za psihijatriju UKC Tuzla: „Migracije i akulturacija – šta nas očekuje u budućnosti “
10. Prof.dr.sc. Mira Spremo, UKC Banja Luka, Medicinski fakultet Univerziteta u Banjaluci: „Dijete i razvod braka“
11. Doc.dr.sc. Nermina Kravić, Klinika za psihijatriju UKC Tuzla: „Ratna stradanja i odrastanje: rizici na koje, na žalost, moramo misliti“
12. Doc.dr.sc. Zihnet Selimbašić, Klinika za psihijatriju UKC Tuzla: „Uticaj posttraumatskog stresnog poremećaja veterana rata na mentalni status djece i mlađih adolescenata“
13. Doc.dr.sc. Elvir Bećirović, Klinika za psihijatriju UKC Tuzla: „Bihevioralna ovisnost u djetinjstvu i adolescenciji – pandemija koja kuca na vrata“
14. Mr.sc. dr. Martina Krešić Ćorić, Klinika za psihijatriju, Sveučilišna klinička bolnica Mostar: „Nasilje preko interneta — Cyberbullying“
15. Mr.sc.dr. Vesna Horvat, Psihijatrijska klinika, Univerzitski klinički centar Sarajevo: „Suicidalnost adolescenata u savremenom društvu”
16. Mr.sc.dr. Nermina Ćurčić-Hadžagić, Psihijatrijska klinika, Univerzitski klinički centar Sarajevo: „Psihičke posljedice zlostavljanja i zanemarivanja školske djece izložene obiteljskom nasilju“

17. Prof.dr.sc. Nizama Salihefendić, Medicinski fakultet, Univerzitet u Tuzli, MedicusA Gračanica: “Pretilost i masna jetra djece: tiha epidemija i značajan javno-zdravstveni problem neprepoznat u savremenom društvu“.
18. Doc.dr.sc. Edin Bjelošević, Centar za mentalno zdravlje JU DZ Zenica: “Vršnjačko nasilje kao problem savremenog društva”

POZVANA PREDAVANJA

Pozvana predavanja su snažno naučno fokusirana i uglavnom orijentisana na teoriju i istraživanje. Održaće ih vodeći dječiji i adolescentni psihijatri pozvani od Naučnog odbora. Ova predavanja će pokriti značajne teme Simpozija.

RADIONICA ZA ŠKOLSKE PSIHOLOGE, ŠKOLSKE PEDAGOGE, ODGAJATELJE PREDŠKOLSKIH I ŠKOLSKIH USTANOVA

Tokom Simpozija u petak 06. jula/srpnja 2018, godine održaće se radionica za školske psihologe, školske pedagoge, odgajatelje predškolskih i školskih ustanova:

“Rano prepoznavanje psihičkih problema kod djece i mladih” (Klaus Schmeck – Švicarska, Susanne Schlüter Müller – Švicarska).

Broj prijavljenih učesnika je ograničen, prednost će imati oni koji se ranije prijave za učešće. Učesnici će dobiti Certifikat o aktivnom učešću na Radionici. Troškove radionice pokrivaju organizatori i Behram begova medresa, te su učesnici radionice oslobođeni plaćanja kotizacije i drugih troškova. Obezbijeđen je ručak i osvježanje na pauzama za sve registrovane učesnike. **Svi prijavljeni učesnici obavezni su dodatno potvrditi svoje prisustvo najmanje sedam dana prije početka Radionice. Ukoliko to ne učine smatraćemo da neće prisustvovati Radionici.**

REGISTRACIJA, KOTIZACIJA, HOTELSKI SMJEŠTAJ

Učešće na Simpozijumu moći ćete prijaviti putem popunjenog registracijskog formulara koji se nalazi na službenoj web stranici Simpozijuma <http://www.upubih.com> kao i na web stranici UKC-a Tuzla <http://www.ukctuzla.ba> i poslati na e-mail prvi.simpozij.udapbih.2018@gmail.com u prilogu. Kopije uplatnica kao dokaze o uplati kotizacije za Simpozij i članarine u UPUBiH kojom se stiče pravo na sniženu kotizaciju slati na e-mail prvi.simpozij.udapbih.2018@gmail.com u prilogu.

Kotizacija po osobi	Regularna do 30.06.2018. god.	Kasna i On-site od 30.06.2018. god.
Učesnici	100 KM	120 KM
Članovi UDAPuBiH* i UPUBiH**	50 KM	70 KM
Specijalizanti	40 KM	50 KM
Članovi USMP/N***	40 KM	50 KM
Učesnici Radionice koji nisu u navedenim kategorijama	40 KM	50 KM
Osobe u pratnji	40 KM	50 KM

*Udruženje dječijih i adolescentnih psihijatara u Bosni i Hercegovini

**Udruženje psihijatara u Bosni i Hercegovini

***Udruženje specijalizanata i mladih psihijatara/neuropsihijatara

Uplata kotizacije na Transakcijski račun: 1321000309155304

Naziv: Udruženje psihijatara TK

Sjedište: Tuzla

Adresa: Klinika za psihijatriju UKC Tuzla; Ul. Rate Dugonjića bb, 75000 Tuzla

Kotizacija uključuje: vrećicu sa radnim materijalom, knjigu sažetaka, akreditaciju (za sudjelovanje na svečanom otvaranju i radnom dijelu simpozija), certifikat o sudjelovanju i osvježanja u pauzama simpozijuma, ručak.

Organizatori su dogovorili smještaj po simpozijским cijenama u Hotelu Tuzla, cijene su na bazi polupansiona po osobi (ručak ulazi u kotizaciju).

Otkazivanje

Usluge se otkazuju pismeno (telefonom ili e-mailom) na adresu tehničkog organizatora simpozijuma: hotelski smještaj nakon potvrde moguće je otkazati do 20 dana prije početka simpozijuma. U slučaju otkazivanja nakon toga roka bit će izvršen povrat u iznosu od 50% sredstava. U slučaju otkazivanja unutar 20 dana prije početka simpozija, nema povrata sredstava. Kotizaciju je moguće otkazati najkasnije do 16.06.2018. uz 30 KM troška otkazivanja, nakon 16.06. 2018. povrat kotizacije nije moguć.

Za registraciju, kotizaciju KME radionicu, svečanu večeru i otkazivanje:

Kontakt osoba: Dženita Hrvic

e-mail: prvi.simpozij.udapbih.2018@gmail.com

GSM: 00387 62 746 774

Fax: 00387 35 268 011

Vrednovanje skupa za kontinuiranu medicinsku edukaciju (KME)

Sudjelovanje ljekara/liječnika vrednovat će se na temelju pravilnika o kontinuiranoj medicinskoj edukaciji Ljekarske komore Tuzlanskog kantona

Zvanične pozivnice

Na zahtjev, sekretarijat simpozijuma će poslati potpisano pismo pozivnicu svakom učesniku lično, pozivnica se daje samo za potrebe pravdanja odsustva a ne obezbjeđuje nikakvu finansijsku podršku ili uključenje u naučni program. Molim da svoj zahtjev sa punim imenom, poštanskom adresom i brojem pasoša pošaljete na e-mail: prvi.simpozij.udapbih.2018@gmail.com

Odgovornost i osiguranje

Organizatori ne mogu prihvatiti odgovornost za lične udese ili gubitak i/ili oštećenje privatne svojine učesnika, učesnici se savjetuju da pribave za sebe lično putničku i zdravstveno osiguranje.

Preliminarni program

06.07.2018. petak			
10.00 – 13.00	Radionica	Amfitetar	BB Medresa
13.00 – 14.30	Ručak	Restoran	
14.30 – 17.00	Radionica	Amfitetar	
19.00 – 20.00	Koktel dobrodošlice	Hotel Tuzla	
20.00 -	Svečana večera	Kristalna dvorana	Hotel Tuzla
07.07.2018. subota			
09.00 – 09.30	Registracija i okupljanje u dvorani za prezentacije		Hotel Tuzla
09.30 – 11.00	Pozdravno obraćanje Pozvana predavanja	Kristalna dvorana	Hotel Tuzla
11.00 – 11.15	Diskusija		
11.15 – 11.45	Pauza i osvježenje		
11.45 – 13.00	Pozvana predavanja		
13.00 - 13.10	Diskusija		
13.10 – 14.00	Ručak	Predvorje hotela	Hotel Tuzla
14.00 – 15.00	Pozvana predavanja	Kristalna dvorana	
15.00 – 15.10	Diskusija		
15.10 – 15.30	Pauza i osvježenje		
15.30 – 16.45	Pozvana predavanja		
16.45 – 17.15	Zaključci i zatvaranje/		
17.15 - 17.45	Godišnja skupština UDAPuBiH		

Marketinške aktivnosti

Tokom Simpozija nisu dozvoljene marketinške aktivnosti vladinih i nevladinih organizacija (NVO) i pojedinaca koji nisu uključeni u organizaciju i finansiranje Simpozija osim ostavljanja od strane organizatora odobrenih pisanih materijala na info pultu.

Kontakt

Prof.dr.med.sc. Mevludin Hasanović

GSM +38761656608

E-mail: prvi.simpozij.udapbih.2018@gmail.com